



02234

故書廛或作壇郊或爲高禮或作創鄭司

農云壇讀爲廛廛市中空地未有肆城中

空地未有宅者民宅曰宅宅田者以備益

多也士田者士大夫之子得而耕之田也

賈田者吏爲縣官賣財與之田官田者公

家之所耕田牛田者以養公家之牛賞田

者賞賜之田牧田者牧六畜之田司馬法

曰王國百里爲郊二百里爲州三百里爲

周禮

地官

載師

室

稽古樓

野四百里爲縣五百里爲都杜子春云高

讀爲郊五十里爲近郊百里爲遠郊玄謂

廛里者若今云邑里居矣廛民居之區域

也里居也圃樹果蓏之屬季秋於中爲場

樊圃謂之園宅田致仕者之家所受田也

士相見禮曰宅者在邦則曰市井之臣在

野則曰草茅之臣士讀爲仕仕者亦受田

所謂圭田也孟子曰自卿以下必有圭田

圭田五十畷賈田在市賈人其家所受田也官田庶人在官者其家所受田也牛田牧田畜牧者之家所受田也公邑謂六遂餘地天子使大夫治之自此以外皆然二百里三百里其中大夫如州長四百里五百里其下大夫如縣正是以或謂二百里爲州四百里爲縣云遂人亦監焉家邑大

夫之采地小都卿之采地大都公之采地

周禮

地官

載師

畜

稽古樓

王子弟所食邑也置五百里王畿界也皆言任者地之形實不方平如圖受田邑者遠近不得盡如制其所生育賦貢取正於是爾以廛里任國中而遂人職受民田夫一廛田百畷是廛里不謂民之邑居在都城者與凡王畿內方千里積百同九百萬夫之地也有山陵林麓川澤溝瀆城郭宮室涂巷三分去一餘六百萬夫又以田不

易一易再易上中下相通定受田者三百萬家也遠郊之內地居四同三十六萬夫之地也三分去一其餘二十四萬夫六鄉之民七萬五千家通不易一易再易一家受二夫則十五萬夫之地其餘九萬夫廛里也場圃也宅田也士田也賈田也官田也牛田也賞田也牧田也九者亦通受一

夫焉則斗農人也定受田十二萬家也食

周禮

地官

載師

卷

稽古樓

貨志云農民戶一人已受田其家衆男爲餘夫亦以口受田如此士工商家受田五

口乃當農夫一人今餘夫在遂地之中如

此則士工商以事入在官而餘夫以力出

耕公邑甸稍縣都合居九十六同八百六

十四萬夫之地城郭宮室差少涂巷又狹

於三分所去六而存一焉以十八分之十

三率之則其餘六百二十四萬夫之地通

上中下六家而受十三夫定受田二百八十八萬家也其在甸七萬五千家爲六遂餘則公邑

凡任地國宅無征園廛二十而一近郊十一遠郊二十而三甸稍縣都皆無過十二唯其漆林之征二十而五

征稅也言征者以共國政也鄭司農云任

地謂任土地以起稅賦也國宅城中宅也

周禮

地官

載師

矣

稽古樓

無征無稅也故書漆林爲漆林杜子春云當爲漆林立謂國宅凡官所有宮室吏所

治者也國稅輕近而重遠近者多役也園

廛亦輕之者廛無穀園少利也古之宅必

樹而置場有瓜

凡宅不毛者有里布凡田不耕者出屋粟凡民無職事者出夫家之征以時徵其賦

鄭司農云宅不毛者謂不樹桑麻也里布

者布參印書廣二寸長二尺以爲幣貿易  
物詩云抱布貿絲抱此布也或曰布泉也  
春秋傳曰買之百兩一布又廛人職掌斂  
市之次布儻布質布罰布廛布孟子曰廛  
無夫里之布則天下之民皆說而願爲其  
民矣故曰宅不毛者有里布民無職事出  
夫家之征欲令宅樹桑麻民就四業則無

稅賦以勸之也故孟子曰五畝之宅樹之

周禮

地官

載師

宅

稽古樓

以桑則五十者可以衣帛不知言布參印

書者何見舊時說也玄謂宅不毛者謂以

一里二十五家之泉空田者謂以三家之

稅粟以共吉凶二服及喪器也民雖有闕

無職事者猶出夫稅家稅也夫稅者百畝

之稅家稅者出土徒車輦給繇役

閭師掌國中及四郊之人民六畜之數以任

其力以待其政令以時徵其賦

國中及四郊是所主數六鄉之中自廛里  
至遠郊也掌六畜數者農事之本也賦謂  
九賦及九貢

凡任民任農以耕事貢九穀任圃以樹事貢  
草木任工以飭材事貢器物任商以市事貢  
貨賄任牧以畜事貢鳥獸任嬪以女事貢布  
帛任衡以山事貢其物任虞以澤事貢其物

貢草木謂葵韭果蔬之屬

周禮

地官

閹師

卷八

稽古樓

凡無職者出夫布

獨言無職者掌其九賦

凡庶民不畜者祭無牲不耕者祭無盛不樹  
者無棗不蠶者不帛不績者不衰

衰音  
崔

掌罰其家事也盛黍稷也棗周棺也不帛  
不得衣帛也不衰喪不得衣衰也皆所以

恥不勉

縣師掌邦國都鄙稍甸郊里之地域而辨其

夫家人民田萊之數及其六畜車輦之稽三年大比則以攷羣吏而以詔廢置稍畜比並去聲

郊里郊所居也自邦國以及四郊之內是

所主數周天下也萊休不耕者郊內謂之

易郊外謂之萊善言近

若將有軍旅會同田役之戒則受灋于司馬以作其衆庶及馬牛車輦會其車人之卒伍使皆備旗鼓兵器以帥而至

周禮

地官

縣師

堯

稽古樓

受灋于司馬者知所當徵衆寡

凡造都邑量其地辨其物而制其域量音良

物謂地所有也名山大澤不以封

以歲時徵野之賦貢

野謂甸稍縣都也所徵賦貢與閭師同

遣人掌邦之委積以待施惠鄉里之委積以

恤民之斲阨門關之委積以養老孤郊里之

委積以待賓客野鄙之委積以待躡旅縣都



之委積以待凶荒

遺唯季反委積並去聲

委積者廩人倉人計九穀之數足國用以其餘共之所謂餘法用也職凶邦之移用亦如此也皆以餘財共之少曰委多曰積鄉里鄉所居也難阨猶困乏也門闕以養老孤人所出入易以取餼廩也羈旅過行寄止者待凶荒謂邦國所當通給者也故書難阨作擯阨羈作寄杜子春云擯阨當

周禮

地官

遺人

辛

稽古樓

爲難阨寄當作羈

凡賓客會同師役掌其道路之委積凡國野之道十里有廬廬有飲食三十里有宿宿有路室路室有委五十里有市市有候館候館有積凡委積之事巡而比之以時頒之

廬若今野候徒有房也宿可止宿若今亭

有室矣候館樓可以觀望者也一市之間

有三廬一宿

均人掌均地政均地守均地職均人民牛馬車輦之力政

政讀爲征地征謂地守地職之稅也地守衛虞之屬地職農圃之屬力征人民則治城郭涂巷溝渠牛馬車輦則轉委積之屬

凡均力政以歲上下豐年則公旬用三日焉中年則公旬用二日焉無年則公旬用一日焉

焉

地官

均人

主

稽古樓

豐年人食四鬴之歲也人食三鬴爲中歲人食二鬴爲無歲歲無贏儲也公事也旬均也讀如營營原隰之營易坤爲均今書亦有作旬者

凶札則無力政無財賦

無力政恤其勞也無財賦恤其乏困也財賦九賦也

不収地守地職不均地政

不取山澤及地稅亦不平計地稅也非凶  
札之歲當取稅乃均之耳

三年大比則大均

有年無年大平計之若久不脩則數或闕

師氏掌以媿詔王

媿同美

告王以善道也文王世子曰師也者教之

以事而諭諸德者也

以三德教國子一曰至德以爲道本二曰敏

周禮

地官

師氏

圭

稽古樓

德以爲行本三曰孝德以知逆惡教三行一

曰孝行以親父母二曰友行以尊賢良三曰

順行以事師長

行去聲

德行內外之稱在心爲德施之爲行至德

中和之德覆壽持載含容者也孔子曰中

庸之爲德其至矣乎敏德仁義順時者也

說命曰敬孫務時敏厥脩乃來孝德尊祖

愛親守其所以生者也孔子曰武王周公

其達孝矣乎夫孝者善繼人之志善述人  
之事者也孝在三德之下三行之上德有  
廣於孝而行莫尊焉國子公卿大夫之子  
弟師氏教之而世子亦齒焉學君臣父子  
長幼之道

居虎門之左司王朝

朝音潮  
下同

虎門路寢門也王日視朝於路寢門外畫  
虎焉以明勇猛於守宜也司猶察也察王

周禮

地官

師氏

圭

稽古樓

圭

稽古樓

之視朝若有善道可行者則當前以詔王

掌國中失之事以教國子弟凡國之貴遊子

弟學焉

中失  
聲

教之者使諷舊事也中中禮者也失失禮

者也故書中爲得杜子春云當爲得記君

得失若春秋是也貴遊子弟王公之子弟

遊無官司者杜子春云遊當爲猶言雖貴

猶學

凡祭祀賓客會同喪紀軍旅王舉則從聽治亦如之

舉猶行也故書舉爲與杜子春云當爲與謂王與會同喪紀之事聽治謂王舉於野外以聽朝

使其屬帥四夷之隸各以其兵服守王之門外且蹕朝在野外則守內列

兵服旃布弓劍不同也門外中門之外蹕

周禮

地官

師氏

士

稽古樓

止行人不得迫王宮也故書隸或作肆鄭司農云讀爲隸內列蕃營之在內者也其

屬亦帥四夷之隸守之如守王宮

保氏掌諫王惡而養國子以道乃教之六藝

一曰五禮二曰六樂三曰五射四曰五馭五

曰六書六曰九數乃教之六儀一曰祭祀之

容二曰賓客之容三曰朝廷之容四曰喪紀

之容五曰軍旅之容六曰車馬之容

諫者以禮義正之文王世子曰保也者慎  
其身以輔翼之而歸諸道者也養國子以  
道者以師氏之德行審諭之而後教之以  
藝儀也五禮吉凶賓軍嘉也六樂雲門大  
咸大韶大夏大濩大武也鄭司農云五射  
白矢參連剡注襄尺井儀也五馭和鳴鸞  
逐水曲過君表舞交衢逐禽左六書象形

會意轉註處事假借諧聲也九數方田粟

周禮

地官

保氏

善

稽古樓

米差分少廣商功均輸方程贏不足旁要  
今有重差夕桀句股也祭祀之容穆穆皇  
皇賓客之容嚴恪矜莊朝廷之容濟濟踰  
踰喪紀之容涕涕翔翔軍旅之容闐闐仰  
仰車馬之容顛顛堂堂立謂祭祀之容齊  
齊皇皇賓客之容穆穆皇皇朝廷之容濟  
濟翔翔喪紀之容纍纍顛顛軍旅之容暨  
暨駘駘車馬之容匪匪翼翼

凡祭祀賓客會同喪紀軍旅王舉則從聽滄亦如之使其屬守王闈

闈宮中之巷門

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任於國事者

行去聲下同強上聲

朋友相切磋以善道也強猶勸也學記曰

強而弗抑則易巡問行問民闈也可任於

周禮地官司諫

美

稽古樓

國事任吏職

以攷鄉里之治以詔廢置以行赦宥

因巡問勸強萬民而考鄉里吏民罪過以

告王所當罪不

司救掌萬民之袞惡過失而誅讓之以禮防

禁而救之

袞惡謂侮慢長老語言無忌而未麗於罪

者過失亦由袞惡訥營好訟若抽拔兵器

誤以行傷害人麗於罪者誅誅責也古者  
重刑且責怒之未卽罪也

凡民之有褻惡者三讓而罰三罰而士加明  
刑恥諸嘉石役諸司空

罰謂撻擊之也加明刑者去其冠飾而書  
其褻惡之狀著之背也嘉石朝士所掌在  
外朝之門左使坐焉以恥辱之既而役諸  
司空使事官作之也坐役之數存於司寇

周禮

地官

司救

卷

稽古樓

其有過失者三讓而罰三罰而歸於圜土

圜土獄城也過失近罪晝日任之以事而  
收之夜藏於獄亦加明刑以恥之不使坐  
嘉石其罪已著未忍刑之

凡歲時有天患民病則以節巡國中及郊野  
而以王命施惠

天患謂災害也節旌節也施惠賑恤之

調人掌司萬民之難而諧和之

難去聲下同



難相與爲仇讎諧猶調也

凡過而殺傷人者以民成之

過無本意也成平也鄭司農云以民成之

謂立證佐成其罪也一說以鄉里之民共

和解之春秋傳曰惠伯戒之之屬

鳥獸亦如之

過失殺傷人之畜產者

凡和難父之讎辟諸海外兄弟之讎辟諸于

周禮

地官

調人

亥

稽古樓

里之外從父兄弟之讎不同國君之讎

師長之讎

避下同從去聲長上聲

音辟

和之使辟於此不得就而仇之九夷八蠻

六戎五狄謂之四海主大夫君也春秋傳

曰晉荀偃卒而視不可含宣子盥而撫之

曰事吳敢不如事主

弗辟則與之瑞節而以執之

瑞節玉節之刺圭也和之而不肯辟者是  
不從王命也王以刺圭使調人執之治其  
罪

凡殺人有反殺者使邦國交讎之凡殺人而  
義者不同國令勿讎讎之則死凡有鬪怒者  
成之不可成者則書之先動者誅之

反復也復殺之者此欲除害弱敵也邦國  
交讎之明不和諸侯得者即誅之鄭司農

周禮

地官

調人

克

稽古樓

云有反殺者謂重殺也義宜也謂父母兄  
弟師長嘗辱焉而殺之者如是爲得其宜  
雖所殺者人之父兄不得讎也使之不同  
國而已鬪怒辯訟者也不可成不可平也  
書之記其名姓辯本也鄭司農云成之謂  
和之也和之猶今二千石以令解仇怨後  
復相報移徙之此其類也玄謂上言立證  
佐成其罪似非

媒氏掌萬民之判

判半也得耦為合主合其半成夫婦也喪服傳曰夫妻判合鄭司農云主萬民之判

合

凡男女自成名以上皆書年月日名焉

鄭司農云成名謂子生三月父名之

令男三十而娶女二十而嫁凡娶判妻入子者皆書之

周禮

地官

媒氏

卒

稽古樓

二三考天地相承覆之數也易曰參天兩地而奇數焉書之者以別未成昏禮者鄭司農云入子者謂嫁女者也立謂言入子者容媵姪娣不聘之者

中春之月令會男女於是時也奔者不禁若無故而不用令者罰之司男女之無夫家者而會之

中音仲

中春陰陽交以成昏禮順天時也不禁謂

重天時權許之也無故謂無喪禍之變也  
有喪禍者娶得用非中春之月雜記曰已  
雖小功既卒哭可以冠子娶妻司猶察也  
無天家謂男女之鰥寡者

### 凡嫁子娶妻入幣純帛無過五兩

純實緇字也古緇以才爲聲納幣用緇婦  
人陰也凡於娶禮必用其類五兩十端也  
必言兩者欲得其配合之名十者象五行  
十日相成也士大夫乃以玄纁束帛天子  
加以穀圭諸侯加以大璋雜記曰納幣一  
束束五兩兩五尋然則每端二丈

### 周禮

地官

媒氏

全

稽古樓

### 禁遷葬者與嫁殤者

遷葬謂生時非夫婦死既葬遷之使相從  
也殤十九以下未嫁而死者生不以禮相  
接死而合之是亦亂人倫者也鄭司農云  
嫁殤者謂嫁死人也今時娶會是也

凡男女之陰訟聽之于勝國之社其附于刑者歸之于士

陰訟爭中葍之事以觸法者勝國亡國也  
亡國之社奄其上而棧其下使無所通就  
之以聽陰訟之情明不當宣露其罪不在  
赦宥者直歸士而刑之不復以聽士司寇  
之屬詩云牆有茨不可掃也中葍之言不  
可道也所可道也言之醜也

周禮

地官

媒氏

司市

全

稽古樓

司市掌市之治教政刑量度禁令以次敘分  
地而經市以陳肆辨物而平市以政令禁物  
靡而均市以商賈阜貨而行布以量度成賈  
而徵儻以質劑結信而止訟以賈民禁僞而  
除詐以刑罰禁聽而去盜以泉府同貨而斂  
賒

商賈音古成賈同儻  
儻音育去起呂反

量豆區斗斛之屬度丈尺也次謂吏所治  
舍思次介次也若今市亭然敘肆行列也

經界也陳猶列也辨物物異肆也肆異則市平物靡者易售而無用禁之則市均通物曰商居賣物曰賈阜猶盛也徵召也債買也物有定價則買者來也質劑謂兩書一札而別之也若今下手書言保物要還

矣賈民佯師賈師之屬必以賈民爲之者知物之情僞與實詐刑罰憲徇扑同共也同者謂民貨不售則爲斂而買之民無貨則賒費而予之鄭司農云靡謂侈靡也布

周禮

地官

司市

全

稽古樓

謂泉也質劑月平

大市日昃而市百族爲主朝市朝時而市商賈爲主夕市夕時而市販夫販婦爲主

昃音側

方萬反

日昃映中也市雜聚之處言主者謂其多者也百族必容來去商賈家於市城販夫販婦朝晝夕賣因其便而分爲三時之市

所以了物極衆鄭司農云百族百姓也

凡市人則胥執鞭度守門市之羣吏平肆展成奠賈上旌于思次以令市市師涖焉而聽大治大訟胥師賈師涖于介次而聽小治小訟

凡市入謂三時之市市者入也胥守門察僞詐也必執鞭度以威正人衆也度謂及也因刻丈尺耳羣吏胥師以下也不肆平

周禮

地官

司市

舍

稽古樓

賣物者之行列使之正也展之言整也成平也會平成市物者也奠讀爲定整勑會者使定物賈防誑豫也上旌者以爲衆望也見旌則知當市也思次若今市亭也市師司市也介次市亭之屬別小者也故書涖作立杜子春云奠當爲定鄭司農云思辭也次市中候樓也立當爲涖涖視也玄謂思當爲司字聲之誤也

凡萬民之期于市者辟布者量度者刑戮者各於其地之敘

期謂欲賣買期決于市也量度者若今處斗斛及丈尺也故書辟爲辭鄭司農云辭布辭訟泉物者也立謂辟布市之羣吏考實諸泉入及有遺忘

凡得貨賄六畜者亦如之三日而舉之

得遺物者亦使置其地貨於貨之肆馬於

周禮

地官

司市

金

稽古樓

馬之肆則主求之易也三日而無識認者舉之沒入官

凡治市之貨賄六畜珍異亡者使有利者使

阜害者使亡靡者使微

亡音無

利利於民謂物實厚者害害於民謂物行苦者使有使阜起其賈以徵之也使亡使微抑其賈以卻之也侈靡細好使富民好奢微之而已鄭司農云亡者使有無此物



則開利其道使之有

### 凡通貨賄以璽節出入之

璽節印章如今斗檢封矣使人執之以通商以出貨賄者王之司市也以內貨賄者

邦國之司市也

### 國凶荒札喪則市無征而作布

有災害物貴市不稅爲民乏困也金銅無凶年因物貴大鑄泉以饒民

周禮

地官 司市

矣

稽古樓

凡市僞飾之禁在民者十有二在商者十有

二在賈者十有二在工者十有二

賈音古下同

鄭司農云所以俱十有二者工不得作賈

不得弼商不得資民不得畜玄謂王制曰

用器不中度不粥於市兵車不中度不粥

于市布帛精麤不中數幅廣狹不中量不

粥於市姦色亂正色不粥於市五穀不時

果實未熟不粥於市木不中伐不粥於市

禽獸魚鼈不中殺不粥於市亦其類也於四十八則未聞數十二焉

市刑小刑憲罰中刑徇罰大刑扑罰其附于刑者歸于士

徇舉以示其地之衆也扑撻也鄭司農云憲罰播其肆也故書附爲柎杜子春云當

爲附

國君過市則刑人赦夫人過市罰一幕世子

周禮

地官

司市

至

稽古樓

過市罰一帑命夫過市罰一蓋命婦過市罰

一帷

幕音莫  
帑音亦

謂諸侯及夫人世子過其國之市大夫內

子過其都之市也市者人之所交利而行

刑之處君子無故不遊觀焉若遊觀則施

惠以爲說也國君則赦其刑人夫人世子

命夫命婦則使之出罰異尊卑也所罰謂

憲徇扑也必罰幕帑蓋帷市者衆也此四

物者在衆之用也此王國之市而說國君  
以下過市者諸侯之於其國與王同以其  
足以互明之

凡會同師役市司帥賈師而從治其市政掌  
其賣犢之事

市司司市也價買也會同師役必有市者  
大衆所在來物以備之

質人掌成市之貨賄人民牛馬兵器珍異凡

周禮 地官 司市 質人 卷六 稽市獲

賣犢者質劑焉大市以質小市以劑掌稽市  
之書契同其度量壹其淳制巡而攷之犯禁  
者舉而罰之 淳音準

成平也會者平物賈而來主成其事也人

民奴婢也珍異四時食物鄭司農云質劑

月平賈凡質大賈劑小賈立謂質劑者爲

之券藏之也大市人民馬牛之屬用長券

小市兵器珍異之物用短券稽猶考也治

也書契取于市物之券也其券之象書兩  
札刻其側杜子春云淳當爲純純謂幅廣  
制謂匹長也皆當中度量玄謂淳讀如淳  
尸盥之淳

凡治質劑者國中一甸郊二甸野三甸都三  
月邦國其期內聽期外不聽

謂齋券契者來訟也以期內來則治之後  
期則不治所以絕民之好訟且息文書也

周禮 地官 質人 五 稽古樓

郊遠郊也野甸稍也都小都大都

塵人掌斂市斂布總布質布罰布塵布而入

于泉府 斂音

布泉也鄭司農云斂布列肆之稅布杜子

春云總當爲僂謂無肆立持者之稅也玄

謂總讀如租穗之穗總布謂守斗斛銓衡

者之稅也質布者質人之所罰犯質劑者

之泉也罰布者犯市令者之泉也塵布者

貨賄諸物邸舍之稅

凡屠者斂其皮角筋骨入于玉府

以當稅給作器物也其無皮角及筋骨不  
中用亦稅之

凡珍異之有滯者斂而入于膳府

故書滯或作塵鄭司農云謂滯貨不售者  
官爲居之貨物沉滯於塵中不決民待其  
直以給喪疾而不可售賤者也塵謂市

周禮

地官

塵人

卒

稽古樓

中之地未有肆而可居以畜藏貨物者也  
孟子曰市塵而不征法而不塵則天下之  
商皆說而願藏於其市矣謂貨物儲藏於  
市中而不租稅也故曰塵而不征其有貨  
物久滯於塵而不售者官以法爲居取之  
故曰法而不塵玄謂滯讀如沉滯之滯珍  
異四時食物也不售而在塵久則將瘦臞  
腐敗爲買之人膳夫之府所以紓民事而

官不失實

胥師各掌其次之政令而平其貨賄憲刑禁焉察其詐僞飾行債慝者而誅罰之聽其小治小訟而斷之

行斷並去聲

憲表縣之鄭司農云債賣也慝惡也謂行且賣姦僞惡物者立謂飾行債慝謂使人行賣惡物於市巧飾之令欺詐買者

賈師各掌其次之貨賄之治辨其物而均平

周禮

地官

胥師

賈師

並

稽古樓

之展其成而奠其賈然後令市凡天患禁貴債者使有恒買四時之珍異亦如之

辨別也恒常也謂若諸米穀棺木而親久雨疫病者貴賣之因天災害阨民使之重困四時之珍異謂如薦宗廟之物

凡國之賣債各師其屬而嗣掌其月凡師役會同亦如之

債買也故書賣爲買鄭司農云謂官有所

斥令賣賈師帥其屬而更相代直月爲官  
賣之均勞逸

司市掌憲市之禁令禁其鬪鬻者與其譏亂  
者出入相陵犯者以屬遊飲食于市者若不  
可禁則搏而戮之

鬪許驕反  
搏音博

鬪謹也鄭司農云以屬遊飲食羣飲食者  
司稽掌巡市而察其犯禁者與其不物者而  
搏之掌執市之盜賊以徇且刑之

周禮

地官

司蔬

司稽

坐

坐

坐

坐

稽古樓

不物衣服視占不與衆同及所操物不如

品式

胥各掌其所治之政執鞭度而巡其前掌其  
坐作出入之禁令襲其不正者

作起也坐起禁令當市而不得空守之屬  
故書襲爲習杜子春云當爲襲謂掩捕其  
不正者

凡有罪者撻戮而罰之

罰之使出布

肆長各掌其肆之政令陳其貨賄名相近者相遠也實相近者相爾也而平正之斂其總布掌其戒禁爾同

爾亦近也俱是物也使惡者遠善善自相

近鄭司農云謂若珠玉之屬俱名爲珠俱

名爲玉而賈或百萬或數萬恐農夫愚民

見欺故別異令相遠使賈人不得雜亂以

周禮地官肆長泉府三三稽古樓

欺人杜子春云總當爲儻

泉府掌以市之征布斂市之不售貨之滯於民用者以其賈買之物榻而書之以待不時而買者買者各從其抵都鄙從其主國人郊人從其有司然後予之賈同價榻音榻

故書滯爲痺杜子春云痺當爲滯鄭司農

云物榻而書之物物爲榘書書其賈榻著

其物也不時買者謂急求者也抵故賈也



主者別治大夫也然後予之爲封符信然  
後予之立謂抵實柢字柢本也本謂所屬  
吏主有司是也

凡賒者祭祀無過旬日喪紀無過三月

鄭司農云賒貫也以祭祀喪紀故從官貫

買物

凡民之貸者與其有司辨而授之以國服爲  
之息

周禮

地官

泉府

卷

稽古樓

有司其所屬吏也與之別其貸民之物定  
其賈以與之鄭司農云貸者謂從官借本  
賈也故有息使民弗利以其所賈之國所  
出爲息也假令其國出絲絮則以絲絮償  
其國出絺葛則以絺葛償立謂以國服爲  
之息以其於國服事之稅爲息也於國事  
受園廛之田而貸萬泉者則替出息五百  
王莽時民貸以治產業者但計贏所得受

息無過歲什一

凡國事之財用取具焉歲終則會其出入而納其餘

會計也納入也入餘於職幣

司門掌授管鍵以啟閉國門

鄭司農云鍵讀爲蹇管謂籥也鍵謂杜

幾出入不物者正其貨賄凡財物犯禁者舉

之以其財養死政之老與其孤

幾同幾下二職同

周禮

地官

泉府

司門

壘

稽古樓

不物衣服視占不與衆同及所操物不如

品式者正讀爲征征稅也犯禁謂商所不

資者舉之沒入官財所謂門關之委積也

死政之老死國事者之父母也孤其子

祭祀之牛牲繫焉監門養之

監門門徒

凡歲時之門受其餘

鄭司農云受祭門之餘

凡四方之賓客造焉則以告

造猶至也告告於王而止客以俟逆

司關掌國貨之節以聯門市

貨節謂商本所發司市之璽節也自外來者則案其節而書其貨之多少通之國門國門通之司市自內出者司市爲之璽節通之國門國門通之關門參相聯以檢稽

商

周禮

地官

司關

矣

稽古樓

司貨賄之出入者掌其治禁與其征塵凡貨不出於關者舉其貨罰其人

征塵者貨賄之稅與所止邸舍也關下亦有邸客舍其出布如市之塵不出於關謂從私道出辟稅者則沒其財而撻其人

凡所達貨賄者則以節傳出之國凶札則無

關門之征猶幾

傳張  
繼反

商或取貨於民間無璽節者至關關爲之

璽節及傳出之其有璽節亦爲之傳傳如  
今移過所文書鄭司農云凶謂凶年饑荒  
也札謂疾疫死亡也越人謂死爲札春秋  
傳曰札瘥天昏無關門之征者出入關門  
無租稅猶幾謂無租稅猶苛察不得令姦  
人出入孟子曰關幾而不征則天下之行  
旅皆說而願出於其塗

凡四方之賓客攸關則爲之告

攸音叩

周禮

地官

司關

全

稽古樓

謂朝聘者也攸關猶謁關人也鄭司農說  
以國語曰周之秩官有之曰敵國賓至關  
尹以告行理以節逆之

有外內之送令則以節傳出內之

有送令謂奉貢獻及文書以常事往來環  
人之職所送迎通賓客來至關則爲之節  
與傳以通之

掌節掌守邦節而辨其用以輔王命

邦節者珍圭牙璋穀圭琬圭琰圭也。子有命則別其節之用。以授使者。輔王命者執以行爲信。

守邦國者用玉節。守都鄙者用角節。

謂諸侯於其國中。公卿大夫王子弟於其采邑。有命者亦自有節。以輔之。玉節之制如王爲之。以命數爲小。大角用犀角。其制未聞。

周禮

地官

掌節

矣

稽古樓

凡邦國之使節。山國用虎節。土國用人節。澤國用龍節。皆金也。以英蕩輔之。門關用符節。貨賄用璽節。道路用旌節。皆有期以反節。

使節使卿大夫聘於天子。諸侯行道所執之信也。土平地也。山多虎。平地多人。澤多龍。以金爲節。鑄象焉。必自以其國所多者。於以相別爲信明也。今漢有銅虎符。杜子春云。蕩當爲帑。謂以函器盛此節。或曰英。

蕩畫函門關司門司關也貨賄者主通貨  
賄之官謂司市也道路者主治五涂之官  
謂鄉遂大夫也凡民遠出至於邦國邦國  
之民若來入由門者司門爲之節由關者  
司關爲之節其商則司市爲之節其以徵  
令及家徙則鄉遂大夫爲之節唯時事而  
行不出關不用節也變司市言貨賄者璽

節主以通貨賄貨賄非必由市或資於民

周禮

地官

掌節

充

稽古樓

家焉變鄉遂言道路者容公邑及小都大  
都之吏皆主治五涂亦有民也符節者如  
今宮中諸官詔符也璽節者今之印章也  
旌節今使者所擁節是也將送者執此節  
以送行者皆以道里日時課如今郵行有  
程矣以防容姦擅有所通也凡節有法式

藏於掌節

凡通達於天下者必有節以傳輔之無節者

有幾則不達

必有節言遠行無有不得節而出者也輔之以傳者節為信耳傳說所齋操及所適也無節則園土內之

遂人掌邦之野

郊外曰野此野為甸稍縣都

以土地之圖經田野造縣鄙形體之濼五家

為鄰五鄰為里四里為鄣五鄣為鄙五鄙為

周禮

地官

遂人

百

稽古樓

縣五縣為遂皆有地域溝樹之使各掌其政

令刑禁以歲時稽其人民而授之田野簡其

兵器教之稼穡

鄣作管反後同

經形體皆為制分界也鄰里鄣鄙縣遂猶

郊內比閭族黨州鄉也鄭司農云田野之

居其比伍之名與國中異制故五家為鄰

玄謂異其名者示相變耳遂之軍法追胥

起徒役如六鄉

凡治野以下劑致阡以田里安阡以樂昏

阡以土宜教阡稼穡以興耨利阡以時器

阡以疆子任阡以土均平政阡音杜樂音洛疆音強耨音鋤

變民言阡異外內也阡猶憺憺無知貌也

致猶會也民雖受上田中田下田及會之

以下劑為率謂可任者家二人樂昏勸其

昏媾如媒氏會男女也擾顛也時器鑿作

耒耜錢鏹之屬疆子謂民有餘力復予之

周禮

地官

遂人

二

稽古樓

田若餘夫然政讀為征土均掌均平其稅

鄭大夫讀耨為藉杜子春讀耨為助謂起

民人令相佐助

辨其野之土上地中地下地以頒田里上地

夫一廛田百晦菜五十晦餘夫亦如之中地

夫一廛田百晦菜百晦餘夫亦如之下地夫

一廛田百晦菜二百晦餘夫亦如一

萊謂休不耕者鄭司農云戶計其夫行



而賦之田其一戶有數口者餘夫亦受此田也塵居也楊子雲有田一塵謂百畝之居也玄謂塵城邑之居孟子所云五噉之宅樹之以桑麻者也六遂之民奇受一塵雖上地猶有萊皆所以饒遠也王莽時城郭中宅不樹者爲不毛出三夫之布

凡治野夫間有遂遂上有徑十夫有溝溝上

有畛百夫有漚漚上有涂千夫有澮澮上有

周禮地官遂人百一稽古樓

道萬夫有川川上有路以達于畿畛之忍反

澮古澮虛域反外反

十夫二隣之田百夫一鄣之田千夫二鄙

之田萬夫四縣之田遂溝漚澮皆所以通

水于川也遂廣深各二尺溝倍之漚倍溝

溝廣二尋深二仞徑畛涂道路皆所以通

車徒於國都也徑容牛馬畛容大車涂容

乘車一軌道容二軌路容三軌都之野涂

與環涂同可也萬夫者方三十三里少半里九而方一同以南畝圖之則遂從溝橫洫從澮橫九澮而川周其外焉去山陵林麓川澤溝瀆城郭宮室涂巷三分之制其餘如此以至于畿則中雖有都鄙遂人盡

王其地

以歲時登其夫家之衆寡及其六畜車犂辨其老幼廢疾與其施舍者以頒職作事以合

周禮

地官

遂人

百三

稽古樓

貢賦以令師田以起政役

登成也猶定也夫家猶言男女也施讀爲

弛職謂民九職也分其農牧衡虞之職使

民爲其事也載師職云以物地事授地職

互言矣貢九貢也賦九賦也政役出土徒

役

若起野役則令各帥其所治之民而至以遂之大旗致之其不用命者誅之

役謂師田若有功作也遂之大旗熊虎

### 凡國祭祀共野牲令野職

共野牲入於牧人以待事也野職薪炭之

屬

### 凡賓客令脩野道而委積

委積於廬宿布

大喪帥六遂之役而致之政令及葬帥

而屬六綽及窆陳役凡事致野役師田作

周禮地官遂人百四稽古樓

野民帥而至掌其政治禁令屬之加

致役致於司徒給墓上事及窆也綽舉棺

索也葬舉棺者謂載與說時也用綽旁六

執之者天子其千人與陳役者主陳列之

耳匠師帥監之鄉師以斧沚焉大喪之正

棺殯啟朝及引六鄉役之載及窆六遂役

之亦卽遠相終始也鄭司農云窆謂下棺

時遂人主陳役也禮記謂之封春秋謂之

塋皆葬下棺也聲相似

遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其可食者周知其數而任之以徵財征作役事則聽其治訟

施讀亦弛也經牧制田界與井也可食謂今年所當耕者也財征賦稅之事

巡其稼穡而移用其民以救其時事

周禮

地官

遂師

夏五

稽古樓

移用其民使轉相助救時急事也四時耕耨斂艾芟地之宜晚早不同而有天期地澤風雨之急

凡國祭祀審其誓戒共其野牲

審亦聽也

入野職野賦于玉府

民所入貨賄以當九職九賦中玉府之用者

賓客則巡其道脩庀其委積

巡其道脩行治道路也故書庀為比鄭司

農云比讀為庀庀具也

大喪使帥其屬以幄帟先道野役及窆抱磨

共其籠及屨車之役

歷唐音

使以幄帟先者大宰也其餘司徒也幄帟

先所以為葬窆之間先張神坐也道野役

帥以至墓也其籠之役窆復土也其器曰

周禮

地官

遂師

奠

稽古樓

籠屨車柩路也柩路載柳四輪迫地而行

有似於屨因取名焉行至壙乃說更復載

以龍輶屨禮記或作搏或作輶役謂執紼

者鄭司農云抱磨磨下車也立謂磨者適

歷執紼者名也遂人主陳之而遂師以名

行校之

軍旅田獵于野民掌其禁令比敘其事而賞

罰

平謂正其行列部位也鄭司農云比讀爲  
庀

遂大夫各掌其遂之政令以歲時稽其夫家  
之衆寡六畜田野辨其可任者與其可施舍  
者以教稼穡以稽功事掌其政令戒禁聽其  
治訟

施讀亦爲弛功事九職之事民所以爲功

業

周禮地官遂大夫

皂

稽古樓

令爲邑者歲終則會政致事正歲簡稼器脩  
稼政三歲大比則帥其吏而興眡明其有功  
者屬其地治者屬音

不言其遂之吏而言爲邑者容公邑及卿

大夫王子弟之采邑政令戒禁遂大夫亦

施焉簡猶閱也稼器耒耜鐵基之屬稼政

孟春之月令所云皆簡封疆審端徑術善

相正陵阪險原隰土地所宜五穀所殖以

教道民必躬親之興<sub>正</sub>舉民賢者能者如  
六鄉之爲也興猶舉也屬猶聚也又因舉  
吏治有功者而聚勅其餘以職事

凡爲邑者以四達戒其功事而誅賞廢興之

四達者治民之事大通者有四大家家寡

也六畜車犂也稼穡耕耨也旗鼓兵革也

縣正各掌其縣之政令徵比以頒田里以分

職事掌其治訟趨其稼事而賞罰之若將用

周禮

地官

縣正

鄙師

頁

稽古

禮

禮

禮

野民師田行役移執事則帥而至治其政令

既役則稽功會事而誅賞

比去聲趨音促後職皆同

徵徵召也比案比移執事移用其民鄭司

農云謂轉相佐助

鄙師各掌其鄙之政令祭祀凡作民則掌其

戒令以時數其衆庶而察其歟惡而誅賞歲

終則會其鄙之政而致事

祭祀祭祭也作民謂起役也時四時也





時與令人耦則牛耦亦可知也秋敘受耦  
相佐助之次第

鄰長掌相糾相受

相糾相舉察

凡邑中之政相贊

長短使相補助

徙于他邑則從而授之

從猶隨也授猶付也

周禮

地官

里宰

鄰長

阜

稽古樓

旅師掌聚野之勑粟屋粟閭粟

閭音

野謂遠郊之外也勑粟民相助作一井之

中所出九夫之稅粟也屋粟民有田不耕

所罰三夫之稅粟閭粟閭民無職事者所

出一夫之征粟

而用之以質劑致民平頒其興積施其惠散

其利而均其政令

積音

而讀為若聲之誤也若用之謂恤民之艱

阨委積於野如遺人於鄉里也若質劑致民案入稅者名會而貸之興積所興之積謂三者之粟也平頒之不得偏頗有多少縣官徵聚物曰興今云軍興是也是粟縣師徵之旅師斂之而用之以調衣食曰惠以作事業曰利均其政令者皆以國服爲之息

凡用粟春頒而秋斂之

周禮

地官

旅師

五

稽古樓

困時施之饒時收之

凡新阡之治皆聽之使無征役以地之嫩惡爲之等

新阡新徙來者也治謂有所求乞也使無征役復之也王制曰自諸侯來徙於家期不從政以地美惡爲之等七人以上授以土地六口授以中地五口以下授以下地與舊民同旅師掌斂地稅而又施惠散利

是以屬用新民焉

### 稍人掌令其乘之政令

其乘四其爲甸甸讀與維禹敷之之敷同其訓曰乘由是改云是掌令都鄙脩治井

邑其甸縣都之溝涂云其甸者舉中言之

溝涂之人名井別邑異則民之家數存焉

若有會同師田行役之事則以縣師之灋作

其司徒輦輦帥而以至治其政令以聽於司

周禮

地官

稍人

重

稽古樓

馬

有軍旅會同田役之戒縣師受灋於司馬

邦國都鄙稍甸郊里唯司馬所調以其灋

作其衆庶及馬牛車輦會其車人之卒伍

使皆備旗鼓兵器以帥而至是以書令之

耳其所調若在家邑小都大都則稍人用

縣師所受司馬之灋作之帥之以致於司

馬也司徒司馬所調之同凡用役者不必

一時皆徧以人數調之使勞逸遞焉

大喪帥蜃車與其役以至掌其政令以聽於司徒

蜃車及役遂人共之稍人者野監是以帥而致之既夕禮曰既正樞賓出遂匠納車于階間則天子以至于士樞路皆從遂來委人掌斂野之賦斂薪芻凡疏材木材凡畜聚之物

周禮

地官

稍人

卷三

稽古樓

野謂遠郊以外也所斂野之賦謂野之園圃山澤之賦也凡疏材草木有實者也凡畜聚之物瓜瓠葵芋禦冬之具也野之農賦旅師斂之工商嬪婦遂師以入王府其牧則遂師又以共野牲

以稍聚待賓客以甸聚待羈旅

聚凡畜聚之物也故書羈作奇杜子春云當爲羈

凡其余聚以待頒賜

余當爲餘聲之誤也餘謂縣都畜聚之物  
以式灋共祭祀之薪蒸木材賓客共其芻薪  
喪紀共其薪蒸木材軍旅共其委積薪芻凡  
疏材共野委兵器與其野囿財用凡軍旅之  
賓客館焉

式灋故事之多少也薪蒸給炊及燎麤者

曰薪細者曰蒸木材給張事委積薪芻者

周禮

地官

旅師

土均

冢

稽古樓

委積之薪芻也軍旅又有疏材以助禾粟

野委謂廬宿止之薪芻也其兵器謂守衛

陳兵之器也野囿之財用者苑囿藩籬之

材館舍也必舍此者就牛馬之用

土均掌平土地之政以均地守以均地事以

均地貢以和邦國都鄙之政令刑禁與其施

舍禮俗喪紀祭祀皆以地媿惡爲輕重之灋

而行之掌其禁令

政讀爲征所平之稅邦國都鄙也地守虞  
衡之屬地事農圃之職地貢諸侯之九貢  
施讀亦爲弛也禮俗邦國都鄙民之所行  
先王舊禮也君子行禮不求變俗隨其土  
地厚薄爲之制豐省之節耳禮器曰禮也  
者合於天時設於地財順於鬼神合於人  
心理於萬物

草人掌土化之灋以物地相其宜而爲之種

周禮

地官

草人

稟

稽古樓

相去聲  
種上聲

土化之灋化之使美若汜勝之術也以物

地占其形色爲之種黃白宜以種禾之屬

凡糞種驛剛用牛赤緹用羊墳壤川麋渴澤

用鹿鹹瀉用貍勃壤用狐埴墟用豕疆棗用

蕢輕煨用犬

緹音題瀉音昔貍音宜墟音職  
墟音盧埴上聲棗音監煨音劑

凡所以糞種者皆謂糞取汁也赤緹練色

也渴澤故水處也瀉鹵也貍獠也勃壤粉

解者墮墟黏疏者疆驟疆堅者輕熨輕脆者故書駢爲挈墳作岔杜子春挈讀爲駢謂地色赤而土剛強也鄭司農云用牛以牛骨汁漬其種也謂之糞種墳壤多岔鼠也壤白色蕡麻也玄謂墳壤潤解

稻人掌稼下地以瀦畜水以防水以溝蕩水以遂均水以列舍水以澮寫水以涉楊其

芟作田

列聯計反

周禮

地官

稻人

昊

稽古樓

以水澤之地種穀也謂之稼者有似嫁女相生鄭司農說瀦防以春秋傳曰町原防規偃豬以列舍水列者非一道以去水也以涉楊其芟以其水寫故得行其田中舉其芟鉤也杜子春讀蕩爲和蕩謂以溝行水也玄謂偃豬者畜流水之波也防豬旁隄也遂田首受水小溝也列田之畦疇也澮田尾去水大溝作猶治也閼遂舍水於

列中因涉之楊去前年所芟之草而治田  
種稻

### 凡稼澤夏以水殄草而芟之

殄病也絕也鄭司農說芟夷以春秋傳曰  
芟夷蕞崇之今時謂禾下麥爲蕞下麥言  
芟刈其禾於下種麥也立謂將以澤地爲  
稼者必於夏六月之時大雨時行以水滌

絕草之後生者至秋水涸芟之明年乃稼

### 周禮

地官

稻人

稷

稽古樓

### 澤草所生種之芒種

鄭司農云澤草之所生其地可種芒種芒

種稻麥也

### 早曠共其雩斂

曠音  
罕

稻人共雩斂稻急水者也鄭司農云雩事

所發斂

### 喪紀共其葦事

葦以圍曠禦濕之物



土訓掌地圖以詔地事道地慝以辨地物  
而原其生以詔地求王巡守則夾王車

道說也說地圖九州形勢山川所宜告王  
以施其事也若云荆楊地宜稻幽并地宜  
麻之屬地慝若瘴蠱然也辨其物者別其  
所有所無原其生生有時也以此二者告  
王之求也地所無及物未生則不求也鄭  
司農云地慝地所生惡物害人者若虺蝮  
之屬巡守行視所守也天子以四海爲守

周禮

地官

土訓

詭訓

真

稽古樓

詭訓掌道方志以詭觀事掌道方慝以詭辟  
忌以知地俗王巡守則夾王車

說四方所識久遠之事以告王觀博古所  
識若魯有大庭氏之庫般之二陵方慝四  
方言語所惡也不避其忌則其方以爲苟  
於言語也知地俗博事也鄭司農云以詭  
避忌不違其俗也曲禮曰君子行禮不求

變俗

山虞掌山林之政令物爲之屬而爲之守禁仲冬斬陽木仲夏斬陰木凡服耜斬季材以時入之合萬民時斬材有期曰凡邦工入山林而掄材不禁

物爲之屬每物有蕃界也爲之守禁爲守者設禁令也守者謂其地之民占伐林木

者也鄭司農云厲遮列守之陽木春夏生

周禮地官山虞

覓

稽古樓

者陰木秋冬生者若松柏之屬立謂陽木

生山南者陰木生山北者冬斬陽夏斬陰

堅濡調季猶穉也服與耜宜用穉材尚柔

忍也服牝服車之材時斬材斬材之時也

有期曰入出有日數爲久盡物掄猶擇也

不禁者山林國之有不拘日也

春秋之斬木不入禁凡竊木者有刑罰

非冬夏之時不得入所禁之中斬木也斬

四野之木可竊盜也

若祭山林則爲主而脩除且蹕若大田獵則萊山田之野及弊田植虞旗于中致禽而珥

焉

珥音耳

爲主主辨護之也脩除治道路揚壇萊除其草萊也弊田田者止也植猶樹也田上樹旗令獲者皆致其禽而校其耳以知獲數也山虞有旗以主其山得畫熊虎其仞

周禮

地官

林衡

耳

稟

稟

稟

稟

稟

數則短也鄭司農云珥者取禽左耳以効功也大司馬職曰獲者取左耳

林衡掌巡林麓之禁令而平其守以時計林麓而賞罰之

平其守者平其地之民守林麓之部分計林麓者計其守之功也林麓蕃茂民不竊盜則有賞不則罰之

若斲木材則受灋于山虞而掌其政令

瀧萬民入出時日之期

川衡掌巡川澤之禁令而平其守以時舍其守犯禁者執而誅罰之祭祀賓客共川奠

舍共守者時案視守者於其舍申戒之川奠籩豆之實魚鱠蜃蛤之屬

澤虞掌國澤之政令爲之厲禁使其地之人守其財物以時入之于玉府頒其餘于萬民

其地之人占取澤物者因以部分使守之

周禮

地官

川衡

澤虞

皇

稽古樓

以時入之于玉府謂皮角珠貝也入之以當邦賦然後得取其餘以自爲也入出亦有時日之期

凡祭祀賓客共澤物之奠喪紀共其葦蒲之事若大田獵則萊澤野及弊田植虞旌以屬禽

澤物之奠亦籩豆之實芹芻蓼芡之屬葦所以闡廣蒲所以爲席屬禽猶致禽而珥

焉澤虞有旌以至其澤澤鳥所集故得注

析羽

迹人掌邦田之地政爲之厲禁而守之凡田獵者受令焉

田之地若今苑也令謂時與處也

禁麇卵者與其毒矢射者

爲其天物且害必多也麇麋鹿子

井人掌金玉錫石之地而爲之厲禁以守之

周禮

地官

迹人

井人

皇

稽古樓

若以時取之則物其地圖而授之巡其禁令

錫劍也物地占其形色知鹹淡也授之教

取者之處巡其禁令行其禁明其令

角人掌以時徵齒角凡骨物於山澤之農以

當邦賦之政令以度量受之以共財用

山澤出齒角骨物大者犀象其小者麋鹿

骨人漆浣者受之以量其餘以度度所中

羽人掌以時徵羽翮之政于山澤之農以當

邦賦之政合凡受羽十羽爲審百羽爲搏十

搏爲縛

搏徒端反  
縛除轉反

翮羽本審搏縛羽數東名也爾雅曰一羽

謂之箴十羽謂之縛百羽謂之繩其名音

相近也一羽有名蓋失之矣

掌葛掌以時徵絺綌之材于山農凡葛征徵

草貢之材于澤農以當邦賦之政令

草貢出澤藺紵之屬可緝績者

周禮

地官

羽人  
掌染草

掌葛

一頁

稽古樓

以權度受之

以知輕重長短也故書受或爲授杜子春

云當爲受

掌染草掌以春秋斂染草之物以權量受之

以待時而頒之

染草茅蒐橐蘆豕首紫荊之屬權量以知

輕重多少時染夏之時

掌炭掌灰物炭物之徵令以時入之以權量

受之以共邦之用凡炭灰之事

灰炭皆山澤之農所出也灰給泔練炭之所共多

掌茶掌以時聚茶以共喪事

共喪事者以著物也既夕禮曰茵著用茶  
微野疏材之物以待邦事凡畜聚之物

茶茅莠疏材之類也因使掌焉微者微於山澤入於委人

周禮

地官

掌炭

掌茶

焉

稽古樓

掌屨掌斂互物屨物以共闔壙之屨

闔音

五物蚌蛤之屬闔猶塞也將井椁先塞下以屨禦濕也鄭司農說以春秋傳曰始用

屨炭言僭天子也

祭祀共屨器之屨共白盛之屨

屨器之屨飾祭器之屬也罔人職曰凡四

方山用用屨器春秋定十四年秋天王使

石尙來歸屨屨之器以屨飾因名焉盛猶

成也謂飾牆使白之蜃也今東萊用蛤謂  
之白灰云鄭司農云蜃可以白器令色白  
囿人掌囿游之獸禁牧百獸祭祀喪紀賓客  
共其生獸死獸之物

囿游囿之離宮小苑觀處也養獸以宴樂  
視之禁者其蕃衛也牧百獸備養衆物也  
今掖庭有鳥獸自熊虎孔雀至於狐狸鳧  
鶴備焉鄭司農云囿游之獸游牧之獸

周禮

地官

囿人

場人

五

稽古樓

場人掌國之場圃而樹之果蓏珍異之物以  
時斂而藏之凡祭祀賓客共其果蓏享亦如  
之

果棗李之屬蓏瓜瓠之屬珍異蒲萄枇杷  
之屬享納牲

廩人掌九穀之數以待國之匪頒賜稍食  
以歲之上下數邦用以知足否以詔穀用以  
治年之凶豐

食音嗣  
數上聲



匪讀爲分分頒謂委人之職謂委積也賜謂王所賜予給好用之式也稍食祿廩數猶計也

凡萬民之食食者人四鬴上也人三鬴中也人二鬴下也若食不能人二鬴則令邦移民

就穀詔王殺邦用

鬴同釜殺去聲

此皆謂一月食米也六斗四升曰鬴就穀

就都鄙之有者殺猶滅也

周禮

地官

廩人

稟

稽古樓

凡邦有會同師役之事則治其糧與其食大祭祀則共其接盛

行道曰糧謂糒也止居曰食謂米也接讀

爲一扱再祭之扱扱以授春人春之大祭

祀之穀藉田之收藏於神倉者也不以給

小用

舍人掌平宮中之政分其財守以灋掌其出入

入

政謂用穀之政也分其財守者計其用穀之數分送宮正內宰使守而頒之而米出於廩人其有空缺則計之還入

凡祭祀共簠簋實之陳之賓客亦如之共其

禮車米筥米芻禾

筥姜呂反

方曰簠圓曰簋盛黍稷稻粱器禮致饗餼

之禮

喪紀共飯米熬穀

飯上聲

周禮地官舍人

臺

稽古樓

飯所以實口不忍虛也君用梁大夫用稷土用梁皆四升實者唯盈熬穀者錯于棺

旁所以惑蚍蜉也喪大記曰熬君四種入

筐大夫三種六筐士二種四筐加魚腊焉

以歲時縣種稜之種以共王后之春獻種

縣音

懸種音童

稜音六

縣之者欲其風氣燥達也鄭司農云春王

當耕于藉則后獻其種也后獻其種見內

宰職

掌米粟之出入辨其物

九穀六米別為書

歲終則會計其政

政用穀之多少

倉人掌粟入之藏

九穀盡藏焉以粟為主

辨九穀之物以待邦用若穀不足則止餘瀆

周禮

地官

倉人

司稼

稟

稽古樓

用有餘則藏之以待凶而頒之

止猶殺也殺餘瀆用謂道路之委積所以

豐饒賓客之屬

凡國之大事共道路之穀積食飲之具

大事謂喪戎

司祿闕

司稼掌巡邦野之稼而辨種稂之種周知其

名與其所宜地以為灋而縣于邑閭

周猶徧也徧知種所宜之地縣以民後  
年種穀用爲灋也

巡野觀稼以年之上下出斂灋

斂灋者豐年從正凶荒則損若今十傷二  
三實除減半

掌均萬民之食而調其急而平其典

均謂度其多少調稟其艱阨典所徵賦

春人掌共米物祭祀共其盞盛之米賓客共

周禮

地官

春人

饌人

夏官

稽古樓

其牢禮之米凡饗食共其食米掌凡米事

米物言非一米盞盛謂黍稷稻粱之屬可

盛以爲簠簋實牢禮之米謂可以實筐筥

饗有食米則饗禮兼燕與食

饌人掌凡祭祀共盛

炊而共之

共王及后之六食凡賓客共其簠簋之實饗

食亦如之

六食六穀之飯簠簋之食謂致飧饗

### 臺人掌其外內朝宀食者之食

外朝司寇斷獄弊訟之朝也今司徒府中有百官朝會之殿云天子與丞相舊決大事焉是外朝之存者與內朝路門外之朝也宀食者謂留治文書若今尙書之屬諸上直者

### 若饗耆老孤子士庶子共其食

周禮

地官

臺人

臺

稽古樓

士庶子卿大夫士之子弟宿衛王宮者

### 掌豢祭祀之犬

養犬豕曰豢不於饈人言其共至尊雖其潘瀾羹餘不可褻也

### 周禮卷之二終

